

Naalakkersuisut suleriaasiat pillugu Namminersorlutik Oqartussat nalunaarutaat nr. 28, 13. juuli 2022-mersooq

Inatsisartut Naalakkersuisullu pillugit Inatsisartut inatsisaat nr. 26, 18. november 2010-meersumi § 23, imm. 1 naapertorlugu aalajangersarneqarpoq:

Kapitali 1

Aaqqissuunnera aqunneralu

§ 1. Inatsisit naapertorlugit pisinnaatitaaffiit Naalakkersuisunit atorneqartut imaluunniit Naalakkersuisunut ilaasortap aalajangersimasup atugai Namminersorlutik Oqartussat qullersatut Naalakkersuisunut tunniussarai.

Imm. 2. Pisinnaatitaaffiit Naalakkersuisunit atorneqartut kapitali 2-mi malittarisassat aalajangiussat naapertorlugit atorneqarput.

Imm. 3. Naalakkersuisut aalajangersinnaavaat imaluunniit Naalakkersuisunut Siulittaasup aalajangersinnaavaa, kapitali 7-imi malittarisassat naapertorlugit suliaasaqarfiup aalajangersimasup iluani Naalakkersuisoq nammineq aalajangiisinnaassasoq.

Imm. 4. Naalakkersuisut Siulittaasuat politikikkut ataqatigiissaarinnermut ataatsimititaliamik ataqatigiissaarisussanillu pilersitsisinnaavoq. Taakku katitigaanerat pisinnaatitaaffiilu kaajallaasitatigut aalajangersarneqassapput.

§ 2. Naalakkersuisunut Siulittaasup Naalakkersuisunut ilaasortat akornanni suliaassat agguaattarpai. Agguataarinerit kaajallaasitami immikkut ittumi aalajangersarneqassapput.

Imm. 2. Naalakkersuisut ataasiakkaat akisussaaffiminni pisussaapput naalakkersuinikkut ineriartornissamut aallarniutigalugu iliuseqarnissamik inatsisinillu il.il. suliaqarnissamut inatsisit atuuttut aammalu naalakkersuisooqatigiit isumaqatigiissutaat naapertorlugit.

Imm. 3. Taakku saniatigut Naalakkersuisut immikkut tamarmik Naalakkersuisunut isummersorfissianik pisarialinnik sananissanut pisussaapput.

§ 3. Naalakkersuisut immikkut tamarmik allaffissornikkut sulisuminnit ikiorteqarput, taakkulu naalakkersuisoqarfimmi imaluunniit naalakkersuisoqarfinni aaqqissugaasumik suliaqartarput.

Imm. 2. Naalakkersuisut immikkut tamarmik, Naalakkersuisut aaqqissuussaananerannut atatillugu nammineertunik Naalakkersuisumullu naammagittaalliorsinnaasumik ataani immikkoortortaqaarsinnaapput, inatsisitigut naammagittaalliorsinnaatitaaneq killilersorneqanngippat.

Imm. 3. Naalakkersuisunut tamanut immikkoortunik suliffinnik nammineertunik inatsisinik pilersitsinikkut peqarsinnaavoq, tassani Naalakkersuisumut naammagittaalliortoqarsinnaangilaq.

§ 4. Inuit allattoqarfinni atorfillit Namminersorlutik Oqartussaarfik tamaat atorfeqarfigivaat.

Imm. 2. Naalakkersuisoqarfimmi pisortassamik atorfinitsitsinermi Naalakkersuisut atorfinitsitsinissamut oqartussaasuupput.

Imm. 3. Atorfeqarnermi pissutsinut malittarisassat ersarinnerusut kaajallaasitami immikkut ittumi aalajangersarneqassapput.

§ 5. Naalakkersuisut aalajangiisinnaassuseqarput ikinnerpaamik ilaasortat affaat ataatsimiinnermi najuuppata. Taamatut ataatsimiinnerit pisariaqartitsineq malillugu aaqqissuunneqarsinnaapput, ilaasortaq ataaseq amerlanerusulluunniit oqarasuaatikkut videokkullu ataatsimiinnermut atortut atorlugit peqataallutik.

Imm. 2. Taasinermi tamatigit Naalakkersuisut Siulittaasuat taaseqataatinneqassaaq.

Imm. 3. Taasisut naligiippata Naalakkersuisut Siulittaasuata taasiner aalajangiisuussaaq.

§ 6. Immikkut ittunik pisoqassagalarpat, Naalakkersuisut Siulittaasuat, imaluunniit taamatut pisussaaffiligaasoq, Naalakkersuisunut isummernissamut tunngavissiaq tunngavigalugu siulittaasut aalajangiisinnaavoq.

Imm. 2. Siulittaasut aalajangiinissaq pillugu qinnuteqarsinnaaneq taamaallaat pinnaavoq Naalakkersuisup suliassaqarfimmut akisussaasuusup tapersiineratigit.

§ 7. Naalakkersuisut nalinginnaasumik ataatsimiittarput sisamangornerit tamaasa nal. 10.00.

Imm. 2. Inatsisartuni ataatsimiinnerit nalaanni Naalakkersuisut Siulittaasuata aalajangiineratigit Naalakkersuisut akulikinnerusumik ataatsimiittarput.

Kapitali 2

Naalakkersuisuni akuersissutigineqartut

§ 8. Inatsisartut inatsisissaattut, nalunaarutissatut, akuersissutinut siunnersuutinut missingiutinut kiisalu akuersissuteqarnermut immikkullu akuersissutinut missingiutinut, suleriaatsimi aalajangersariikkami oqaasertaqartinneqanngitsut, naalakkersuisoqarfimmi suliassaqarfimmut akisussaasumit Naalakkersuisumit akisussaasumit aqunneqarlutik sularineqassapput.

Imm. 2. Missingiut Naalakkersuisunut aalajangiiffigisassatut saqqummiunneqassaaq. Aalajangiineq siunissami allaffissornermut najoqqutassanik erseqqarinnerusunik imaqarsinnaavoq. Matuma kingorna

Naalackersuisoq suliassaqarfimmut akisussaasuusoq aalajangiisinaavoq, takuuk kapitali 7.

§ 9. Inatsisartut inatsisissaattut nalunaarutissaannullu siunnersuutitut missingiutit kiisalu aalajangiiffigisassanut allanut isummernissamut tunngavissiat naleqquttumik annertussusilerlugit tusarniaassutigalugit Namminersorlutik Oqartussat naalackersuisoqarfiinut allanut saqqummiunneqartassapput. Aammattaaq missingiut oqartussanut kattuffinnullu siunnersuummut soqutiginnissinnaasunut imaluunniit missingiutip naammassisarnerani pingaarutilimmik ilisimasaqartutut isumaqarfigineqartunut oqaaseqarfigisassatut nassiunneqassaaq.

Imm. 2. Naalackersuisoqarfik suliassaqarfimmut akisussaasoq tusarniaanermut akissutigineqartuni tiguneqartuni tusarniaanermut akissutini qanoq annertutigisoq Naalackersuisunut isummernissamut tunngavissiamut tulluarsarlugu ilanngunneqarsimanersoq oqaatigalugu nalunaarsuineramik suliaqassaaq.

Imm. 3. Taamatut missingiut sularineqarsimasoq Aningaasaqarnermut Naalackersuisoqarfimmit tusarniaanermut akissummik siunnersuutip aningaasatigut kingunerisassaanik naliliinermik imalimmik ilalerlugu Naalackersuisunut saqqummiunneqassaaq.

§ 10. Naalackersuisoqarfiup suliassaqarfimmut akisussaasup naalackersuisoqarfimmik ataatsimik amerlanerilluunniit akornanni isumaqatigiinngitsoqarpat suliassaq Naalackersuisuni sularineqannginnerani Naalackersuisunut ilaasortat tamarmik immikkut suliamik saqqummiiffigineqassapput. Suli isumaqatigiinngitsoqarpat, naalackersuisoqarfik suliassaqarfimmut akisussaasoq ataatsimoorussamik isummernissamut tunngavissiamik, isumaqatigiinngissutip imarisaanik allaaserinnittumik suliaqassaaq.

§ 11. Missingiut akuersissutigineqartussatut inassuteqaatitalik, Naalackersuisut suna isummerfigissaneraat nassuiarlugu, akuersissutigineqartussap imarisai aningaasatigullu kingunerisassai eqqarsaatigalugit, Naalackersuisunut saqqummiunneqassaaq. Aammattaaq erseqqarissumik takuneqarsinnaassaaq, naalackersuisoqarfiup suliassaqarfimmut akisussaasup naalackersuisoqarfiillu tusarneqartut ilaanni suli isumaqatigiinnginneqartoq, taamatullu takuneqarsinnaassaaq, oqartussaasunit, kattuffinnit il. il. malunnartumik akerliliissummik tigusaqartoqarsimappat.

Imm. 2. Taassuma saniatigut isummernissamut tunngavissiaq makkuninnga imaqassaaq.

1) Qulequtaq: Naalackersuisut sumut qanoq isummissanersut ersarissumik nalunaarneqassaaq.

2) Inassuteqaatit: Inassuteqaat tassaavoq imarisamigut aningaasartamigullu tunngaveqartinneqartussaq, Naalackersuisunit akuersaarneqarnissamik kissaateqarfiusoq.

Taamaattumik inassuteqaat imarisamigut aningaasaqarnikkullu tamakkiisuutinneqartassaaq.

3) Aallaqqaasiut: Isummernissamut tunngavissiap siunertaa, tunngavigisaa, imarisaa Naalackersuisullu politikkiannut ataqatigiissuteqarnera naatsumik allaaserineqassaaq. Isummernissamut tunngavissiaq aalajangersimasumik missingiummik tunngaveqarpat, tamanna ilisimatitsissutigineqassaaq, suna pillugu suliassaq Naalackersuisumit suliassaqarfimmut akisussaasumit nammineerluni aalajangiiffigineqarsinnaannginnerasoq, soorlu assersuutigalugu pissutigalugu aalajangiineq suliassarpassuarnut allanut pingaaruteqalersussaamat, imaluunniit pissutigalugu allaffeqarfimmi

najoqqutassanik aalajangersaasoqarsimanngimmat.

- 4) Aningaasaqarnikkut sunniuteqaatissat: Aningaasaqarnikkut sulisoqarnikkullu sunniutaasinnaasut takussutissartaat. Tassannga takuneqarsinnaassaaq, ingerlatsinermut sanaartornermullu qinnuteqaatigineqartut aningaasaliissutit iluanni naammassinnaanersut, imaluunniit ilassutit aningaasaliisoqarnissaanik qinnuteqartoqassanersoq. Pisumi kingullermi taaneqartumi naalackersuisoqarfik taarsiullugu sipaarniutissanut siunnersuummik innersuussissaaq. Aammattaaq immikkoortoq taanna pillugu Aningaasaqarnermut Naalackersuisoqarfiup tusarniaanermut oqaaseqaataata imarisai nalunaarutigineqassapput.
- 5) Tusarniaassut: Takusassiaq kiap tusarniaassummi missingiut tigummisimaneraa aamma Naalackersuisoqarfimmi tamanna pillugu isummerneq.
- 6) Naligiissitsineq: Suaassutsit akornanni naligiisitaaneq, inuit immikkut ittunik pisariaqartitallit unammilligassallilu il.il.
- 7) Attaveqaqatigiinneq. Tamatuma kingorna missingiut pillugu aalajangiinissaaq immikkut ittunik attaveqarnissamik pisariaqartitsippat, soorlu Inatsisartunut, soqutigisaqatigiinnut allanut tamanulluunniit, taava tassani oqaatigineqassapput.
- 8) Atsiorneq: Isummernissamut tunngavissiaq Naalackersuisumit pineqartumit naalackersuisoqarfimilu pisortamit imaluunniit naalackersuisoqarfiup pisortaanut sinniisumit atsiorneqassaaq.

§ 12. Isummernissamut tunngavissiami inassuteqaat eqqorluartumik oqaasertaliorsimassaaq, imaqarniliami Naalackersuisut aalajangiinerattut toqqaannartumik oqaluttuareqqinneqarsinnaassalluni.

Imm. 2. Aammattaaq nalunaarutigineqassaaq, aalajangerneq pillugu suliffeqarfimmi avataanilu soqutiginnittut atassuteqarfigineqassammata, tusagassiuutaasinnaapput, kiisalu nittartakkami tamanut saqqummiunneqassammat. Taamaattumik inassuteqaat paasissutissanik inunnut paasissutissanik mianersuuttariaqartunik paasissutissalluunniit allanut oqaatigeqqusaanngitsut pillugit imaluunniit allatut iliorluni tamanut saqqummiussinissamut naleqqutinngitsunik imaqartinneqassanngilaq. Aalajangerneq tamanut saqqummiunneqassanngippat, tamanna isummernissamut tunngavissiami takuneqarsinnaassaaq. Taamaassappat § 21-imi aalajangersakkat malillugit isummernissamut tunngavissiaq ilusilerneqassaaq Naalackersuisunullu taamaallaat agguanneqassalluni.

§ 13. Isummernissamut tunngavissiaq, missingiut Inatsisartut inatsisissaattut imaluunniit nalunaarutissaattut siunnersuummik imalik Naalackersuisunut saqqummiunneqarnissaa sioqqullugu Inatsisinut Immikkoortortaqarfimmut inatsisinut periutsit atorlugit misissussavaa, tassanilu takuneqarsinnaassaaq, inatsisinut periutsit atorlugit misissuinermit oqaaseqaatit, takuuk aamma § 27, imm. 2.

Imm. 2. Nalunaarummut tassunga ilanngussaaq isummernissamut tunngavissiap il. il. suliarineranut najoqqutassanik peqqissaarussanik imaqassaaq.

§ 14. Pisuni immikkut ittuni Naalackersuisut isummernissaannut tunngavissianut aamma

ilisimatitsissutitut suleriaatsit aamma ilusissanut piumasaqaatit, takukkit §§ 11, 12 aamma 13 Naalakkersuisut Siulittaasuata akuersissuteqarneratigut, saneqqunneqarsinnaapput.

Kapitali 3

Aningaasaqarnermut Akileraartarnermullu Ataatsimiititaliamut suliassat

§ 15. Suliassat, Aningaasaqarnermut Akileraartarnermullu Ataatsimiititaliamut ingerlateqqitassatut inassutigineqartut suliassaqarfimmut naalakkersuisoqarfimmi Naalakkersuisumit akuersissutigineqareerneranni piaartumik Aningaasaqarnermut Naalakkersuisoqarfimmut qarasaasiakkut allaganngorlugit nassiunneqassapput.

§ 16. Isummernissamut tunngavissiat malitsigitillugu Aningaasaqarnermut Akileraartarnermullu Ataatsimiititaliamut akuersissutigisassatut saqqummiunneqartussat Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat taasumalu kingorna malittarisassanngortinneqarsimasut naapertorlugit suliarineqarsimassapput missingersuusiortarnermut malittarisassat naapertorlugit imatut ilusilersorneqassaaq, imatut:

- 1) Aallarniutitut paasissutissanik imaqartinneqassaaq, susassaqarfiup sorliup siunnersuut saqqummiunneraa, siunnersuutip qanoq iliuuseqarfigineqarnissaata suussusia, aningaasartuutit katinneqarnerat imaluunniit ukiumoortumik aningaasartuutit iliuuseqarfigineqarnissaanut kiisalu ukiumut aningaasaliiffiusussamut aningaasartuutit sunniuteqaatissaat. Aamma isertitani tamanna atorpoq.
- 2) Suliamik saqqummiussaqaarneq atuisinnaanermut siunertarineqartoq pillugu peqqutaasumik atuisinnaanerullu immikkuualuttortaannut nassuiaammik imaqartinneqassaaq. Aammattaaq suliamik saqqummiussaqaarneq aningaasartuutitut assigiinngitsunut assigiinngiiaartinneqassaaq kingornalu immikkut paasissutissanik piumasaqaateqartitsissalluni. Pissuseqataa isertitani atorpoq.
- 3) Aningaasaliissutit allanngortinnissaat pillugit inassuteqaatsinut aningaasanut inatsisissami atuisinnaanermut siunnersuutigineqartumut aningaasaliissuteqarnissap utaqqisinneqarsinnaannginneranut peqqutaasut nassuiaatigineqassapput.

§ 17. Aningaasaliinissanut nutaanut allannguutinulluunniit suliassat Aningaasaqarnermut Akileraartarnermullu Ataatsimiititaliamut nassiunneqartinnagit tamatigut Naalakkersuisuni suliarineqaqqaartassapput.

Imm. 2. Suliaq Aningaasaqarnermut Akileraartarnermullu Ataatsimiititaliamut nassiunneqartussatut aalajangiunneqassappat, Naalakkersuisut Siulittaasuata Naalakkersuisoqarfianit ataatsimiinneq naammassineqarniariartoq allakkatigut nalunaarutigineqartoq tunngavigalugu atortussat kalaallisut danskisullu Aningaasaqarnermut Naalakkersuisoqarfimmut nassiunneqarnerat suliassaqarfiup qinnuteqartup isumagissavaa. Tamatuma kingorna Aningaasaqarnermut Naalakkersuisup

Naalackersuisut sinnerlugit suliaq Aningaasaqarnermut Akileraartarnermullu Ataatsimiititaliamut nassiutissavaa.

§ 18. Suliat Aningaasaqarnermut Akileraartarnermullu Ataatsimiititaliami isertuussassatut oqaluuserineqartussat, suliaq isertuussassatut suliarineqarnissaa sooq kissaatigineqarnersoq tassunga tunngavilersuutigineqartoq allanneqassaaq.

Imm. 2. Isummernissamut tunngavissiaq isertuussassatut suliarineqassappat, tamanna Naalackersuisunut isummernissamut tunngavissiaq qulequttami allanneqassaaq.

Kapitali 4

Naalackersuisunut ilisimatitsissutit

§ 19. Naalackersuisunut ilisimatitsissutit suliaqarfirmi pineqartumi Naalackersuisut ilaasortaannit naalackersuisoqarfimmilu pisortamit ataatigut atsiorneqartassapput, qulequtserneqartassallutillu erseqqissumik naatsumillu, Naalackersuisut sunik ilisimatinneqassanersut. Aammali Naalackersuisunut isummernissamut tunngavissiaq ilusilersorneranut najoqqutassat malinneqassapput, takuuk § 11.

Imm. 2. Naalackersuisut ataatsimiinnerinut oqaluuserisassanut ilisimatitsissutit ilanngunneqassapput ataatsimiinnermilu atortussat allat peqatigalugit agguanneqassapput. Ataatsimiinnerni ilisimatitsissutit suliarineqassanngillat, kisianni Naalackersuisut ataatsimiinnerinit imaqarniliani nalunaarutigineqassapput.

Imm. 3. Ilisimatitsissulli Naalackersuisup pineqartup qinnuteqarneratigut imm. 2 apeqqutaatinnagu Naalackersuisut ataatsimiinnerini suliarineqarsinnaavoq, ilisimatitsissut sammisanik imaattunik imaqassappat:

- 1) oqartussaaffeqarfik allamut attuumassuteqarpat,
- 2) naalackersuinikkut aalajangiinerit pingaarnerit allannguuteqarnerannik imaqarluni,
- 3) kingusinnerusukkut aalajangiiffigisassatut Naalackersuisunut saqqummiunneqassappat, imaluunniit
- 4) sammineqartup oqaluusereqqinneqarnissaanut isummanik atugassanik pissarsiniarnissaq siunertaralugu Naalackersuisunut oqaluuserineqartussatut soqutiginaateqarpat.

Imm. 4. Sulianut ilisimatitsissutini oqaluuserineqartartuni imarisaannut tunngassuteqartuni aalajangiisoqarnek ajorpoq, aalajangiisoqarsinnaavorli suliaq Naalackersuisunut isummernissamut tunngavissatut kingorna saqqummiunneqassappat.

Kapitali 5

Imaqarniliat

§ 20. Naalakkersuisuni ataatsimiinnerni imaqarniliat suliami pineqartumi Naalakkersuisut aalajangiiffigisaat taamaallaat oqaatigineqartassapput.

Imm. 2. Naalakkersuisunut ilaasortap Naalakkersuisuni aalajangiineq isumaqataaffiginngikkuniuk, Naalakkersuisunut ilaasortap pineqartup tamanna naatsumik tunngavilersuutitalerlugu imaqarniliamut allanneqarnissaa piumasarisinnaavaa.

Imm. 3. Naalakkersuisup ataatsip Naalakkersuisut ataatsimiinneranni oqaatsitigut ilisimatitsissuteqarnissani kissaatigissagualuarpagu, taanna kisimi tunngavigineqassaaq, ilisimatitsinerup nalaani suliami paasissutissanik pingaaruteqartunik saqqummersoqassagualuarpap, imaluunniit Naalakkersuisuni suliarineqartariaqalerluni aalajangersimasumillu Naalakkersuisut taamatut imaqarniliornissamik aalajangiippata.

Imm. 4. Naalakkersuisut Siulittaasuata Naalakkersuisoqarfia Naalakkersuisuni ataatsimeereernerni Naalakkersuisunut ilaasortanut, naalakkersuisut allattaannut, naalakkersuisoqarfinni pisortanut kiisalu qitiusumik allaffeqarfimmi pisortanut imaqarniliamut missingiummik nassiussissaaq. Missingiut Naalakkersuisut aalajangiiffigisaannik piviusunnigortitsisarnissamat tunngaviliisinnaangilaq. Imaqarniliamik akuerisaasumik suli saqqummersoqanngitsoq aalajangiinerup piviusunnigortinneqarnissaa pisariaqartinneqassappat, imaqarniliamut missingiummi takuneqarsinnaasutut, Naalakkersuisup pineqartup aalajangiineq taamatut paasisimassagaa naalakkersuisoqarfiup pineqartup nakkutigissavaa.

Imm. 5. Naalakkersuisut imaqarniliamik akuersissuteqarnerisa kingorna Naalakkersuisut ataatsimiinneranni imaqarniliaq agguanneqassaaq.

Kapitali 6

Isertuussassaq

§ 21. Naalakkersuisut isummernissaannut tunngavissiaq Naalakkersuisunilu ataatsimiinnermit imaqarniliat isertuulluinnarlugit oqaluuserineqartassapput.

Imm. 2. Ilanngussat isertuussassaapput, tamanna ilanngussani allassimasutut nalunaarneqarsimappat imaluunniit suliap isummernissamat tunngavissiamut ilisimatitsissummulluunniit atassuteqarnera allatigut takuneqarsinnaappat.

Imm. 3. Naalakkersuisunut isummernissamat tunngavissiaq taamaallaat Naalakkersuisuni ilaasortanuinaq agguanneqarnissaa kissaatigineqarpat, tamanna isummernissamat tunngavissiami takuneqarsinnaassaaq. Isummernissamat tunngavissiap taamaallaat Naalakkersuisunut agguanneqarnissaanut tamanna pingaarutilinnik peqquteqartinneqassaaq. Isummernissamat tunngavissiaq inunnut ataasiakkaanut paasissutissanik mianerisariaqartunik imaqarpat, isummernissamat tunngavissiaq Naalakkersuisuni ilaasortanut taamaallaat agguanneqartariaqarpoq.

Imm. 4. Isummernissamat tunngavissiat, takuuk imm. 1, ilanngussallu, takuuk imm. 2, paasissutissanik mianernartunik imaqartut, isummernissamat tunngavissiat isumaqatiginninniartarnernut piginnaatitaanermik imaqartut suliassallu assingusut

Naalackersuisunuinaq kiisalu Naalackersuisut Siulittaasuata Naalackersuisoqarfiani allattoqarfimmut taamaallaat agguanneqassapput. Isummernissamut tunngavissiat allat aamma naalackersuisoqarfinni pisortaanernut aamma pisortanut kiisalu qiusumik allaffeqarfimmit naalackersuisut allattaanut agguanneqassapput, taakkunanga suliassanik tiguisut suliani pineqartuni tamarmik immikkut Naalackersuisortik siunnorsinnaassagaat ikiorsinnaassagaallu siunertaralugu.

Kapitali 7

Naalackersuisunut ilaasortanut oqartussaaffeqarfiit

§ 22. Naalackersuisunut ilaasortat namminneq suliassaqarfimmik iluanni suliani aalajangersimasuni tamani Inatsisartut inatsisaat, landstingip inatsisai imaluunniit landstingip peqqussutai, kiisalu Namminersorlutik Oqartussat nalunaarutaat, imaluunniit allaffissornikkut suleriaatsimut najoqqutassatigut aalajangersakkat naapertorlugit aalajangerneqarsinnaasuni, Naalackersuisut Siulittaasuata tamatumunnga akuersissuteqarneratigut, aalajangiinissamut piginnaatitaapput.

Imm. 2. Inatsisini aalajangersakkani aalajangersaasoqarsimapput, malittarisassanit immikkut ittumik akuersinissamut Naalackersuisut periarfissaannut tapiutaasumik, Naalackersuisunut ilaasortaq suliami aalajangersimasumi nalinginnaasumilluunniit suliani inatsimmut ilaasuni Naalackersuisut sinnerlugit immikkut akuersissuteqarnermut aalajangiinissamut piginnaatitaavoq.

Imm. 3. Naalackersuisup nalunaarummit immikkut akuerneqarnissaq pisariaqartikkuniuk, immikkut akuersissuteqarnissamut aalajangersagaq erseqqissumik imaqanngippat, Naalackersuisoq pineqartoq Naalackersuisuni aalajangiiffigisassamik immikkut akuersissuteqarnissamik isummernissamut tunngavissiamik saqqummiussissaaq.

Imm. 4. Naalackersuisoq isumaqaruni, suliaq aalajangersimasoq siunissami sulianut taamaattunut aalajangiinissamut immikkut tunngaviusoq pingaaruteqartoq, soorlu assersuutigalugu pissutigalugu immikkut akuersissuteqarsinnaanerup innuttaasunut allanut naleqqiullugu allaffissornermut sunniuteqarsinnaanera imaluunniit suliassaqarfiup iluani allaffissornikkut suleriaatsimik nutaamik aalajangersaanissamut pisariaqartitsisoqartutut isigineqarpat, imm. 2 apeqqutaatinnagu Naalackersuisunut saqqummiunneqarsinnaavoq. Naalackersuisunut isummernissamut tunngavissiami taamaattunik pisoqaraangat, tunngaviusumik pingaarutilik pineqarpat, imaluunniit periaatsimik nutaamik aalajangersaanissaq kissaatigineqarpat, siunissami suliat assingusut imm. 2 naapertorlugu suliarineqassapput.

§ 23. Aningaasaliissutinik missingersuutininut sunniuteqanngitsunik kontut pingarnerit pigisallu tuniniarneqarnissaat pillugit inassuteqaatit akornanni nuussinerit pillugit suliat, aningaasaqarnermut inatsimmi oqaasertaliussat naapertorlugit Naalackersuisut aalajangiiffigisinnaasaminnik peqarpat, tamanna Naalackersuisunut saqqummiunneqartassanngilaq, suliassaqarfimmili pineqartumi Naalackersuisumi Aningaasaqarnermut Naalackersuisumut nassiunneqartassapput.

Imm. 2. Aningaasaqarnermut inatsimmi oqaasertaliussat naapertorlugit inassuteqaatinik

aalajangiinissamut Naalakkersuisut sinnerlugit Aningaasaqarnermut Naalakkersuisoq piginnaatinneqarpoq.

Kapitali 8

Inatsisartunut suliat

Sulianik piareersaaneq

§ 24. Inatsisartut Suleriaasianni aalajangersakkat malillugit Inatsisartut ataatsimiinneranni Naalakkersuisut sulariterusutatik Inatsisartut ataatsimiinnerata aallartinnissaa kingusinnerpaamik sapaatip akunnerinik tallimanik sioqqullugu Inatsisartut Siulittaasuannut Naalakkersuisut suliassat tunniutissavaat.

§ 25. Siunnersuut sunaluunniit Naalakkersuisunit imaluunniit Naalakkersuisut Siulittaasuannit akuerineqaaqqaartinnagu Inatsisartut Siulittaasuannut nassiunneqarsinnaanngilaq takuuk § 6, imm. 1. Ataatsimiinnernut ullormut oqaluuserisassanut Naalakkersuisunit atortussanut ilanngunneqareersunut taamatut atuuppoq.

Imm. 2. Naalakkersuisut Siulittaasuata Naalakkersuisoqarfiata Naalakkersuisunit ullormut oqaluuserisassat akuerineqartut tamakkerlugit nalunaarutiginninnermut allattorsimaffik takussutissartalik Inatsisartut Siulittaasuannut nassiuutissavaa. Atortussat Inatsisartuni sularineqarnissaannut nassiunneqarnissaat, ilusiliussamut piumasarineqartutut atuuttoq naapertorlugu Inatsisartut Allattoqarfiannut nassiunneri Naalakkersuisut sinnerlugit suliassaqaarfiit akisussaaffigaat.

§ 26. Naalakkersuisunut ilaasortat namminneq suliassaqaarfimmik iluani Inatsisartut inatsisissaattut siunnersuutit, aalajangiiffigisassatut siunnersuutit nassuiaatillu nalunaarutigiumasatik pillugit isummernissamut tunngavissianik Inatsisartut ataatsimiilersinnagit Naalakkersuisunut nassiussissapput. Suliat nalunaarutigineqarnerani Naalakkersuisunut inassuteqaatit atortussanik naleqquttunik ilanngussiffigineqassapput.

Imm. 2. Naalakkersuisut Siulittaasuata Naalakkersuisoqarfiata Inatsisartut ataatsimiilinnginneranni sulianik piareersaanermut pilersaarut nassiuttassavaa, Inatsisartunut saqqummiussisoqarnissaa siunertaralugu Naalakkersuisunut saqqummiunneqartussa.

Inatsisartut inatsisissaattut siunnersuutit

§ 27. Inatsisartut inatsisissaattut siunnersuut Naalakkersuisuni suliarineqalersinnagu inaarutaasumik siunnersuut Inatsiseqarnermut Immikkoortorta qarfiup inatsisinut periutsit atorlugit misissoqqaassavaa.

Imm. 2. Naalakkersuiso qarfiup suliassa qarfimmu akisussaasup suliassa qarfinnut naalakkersuiso qarfiit Inatsisartullu Allatto qarfiata akornanni sapinngisamik isumaqatigiissute qarluni Inatsisartut inatsisissaattut siunnersuut aamma Inatsisinut periutsit atorlugit misissuiner mut Immikkoortorta qarfimmu Inatsisartut Allatto qarfiat aqputigalugu misissor neqarnissaa qulakkiissavaa..

Siunnersuutit aningaasaqarnikkut sulisorisatigullu tunngassuteqartunik imaqartinneqartut

§ 28. Aningaasaqarnikkut sulisorisatigullu kinguneqartussamik Naalakkersuisut siunnersuummik suliarinnilinnginneranni, Aningaasaqarnermut Naalakkersuiso qarfimmu oqaaseqaammik pissarsiniartoqartassaaq.

Imm. 2. Aningaasaqarnermut Naalakkersuiso qarfiup peqqissaartumik misissuinissaa qularnaarniarlugu, Naalakkersuisuni suliarineqarnissaanut piffissaq killiliusaaq nallertinnagu kingusinnerpaamik sapaatit akunneri marluk qaangiutsinnagit siunnersuummut missingiut Aningaasaqarnermut Naalakkersuiso qarfimmu nassiunneqartassaaq. Naalakkersuisut siulittaasuat taassumaluunniit sinniisua, pissutsit immikkut ittut atuunnerini sapaatit akunneri marluk killissarititaasut sanioqqunnissaanut aalajangiisinnaavoq.

Saqqummiussiner mut akissuteqaatinullu allakkat

§ 29. Inatsisartut inatsisissaattut siunnersuutininut saqqummiussisutit akissuteqaatillu, aalajangiiffigisassatut siunnersuutit apequteqaatillu aallaavigalugit oqallinnerit Naalakkersuisunit akuersissutigineqassapput.

Imm. 2. Siunnersuut Naalakkersuisut saqqummiussimasat imaluunniit siullermeerinninnermi aappassaaneerinninnermilu Naalakkersuisunit tapersorsorneqartut, Inatsisartuni amerlanerussuteqartut isumaqatigiissutigisat siunnersuutillu aappassaaneerinninnissamut pingajussaaneerinninnissamullu ataatsimiititaliamik suliarineqaratik ingerlatseqqinneqartut, aappassaaneerinninnermi pingajussaaneerinninnermilu akissuteqarfigineqartassanngillat.

Imm. 3. Ataatsimiititalianut isumaliutissiissut akerliusoqanngitsumik inassuteqaatitalik imaluunniit amerlanerussuteqartut inassuteqaataannik imalik, Naalakkersuisut inassuteqaataannut naapertuuppat, Naalakkersuisuni akuerineqartussatut saqqummiunnagu, Inatsisartuni aappassaaneer neqarnerani pingajussaneerneraniluunniit akissuteqarfigineqarsinnaapput.

Akuersissuteqaatit allakkat

§ 30. Naalakkersuisut Siulittaasuata Naalakkersuisoqarfiata naalakkersuisoqarfinnut pineqartunut akuersissummi allakkiaq tunniutissavaa, tamatumani allassimassalluni, Inatsisartuni oqaluuserisassat sorliit Naalakkersuisunut akuersaarneqartutut ingerlanneqartussa.

Imm. 2. Suliassa qarfimmu Naalakkersuisoqarfiup allagaq akuersissutaasoq atortussat ilanngullugit Inatsisartunut saqqummiussassatut Naalakkersuisut akuerisaat ilanngullugu Inatsisartut Allattoqarfiannut tunniutissavaa. Inatsisartut Allattoqarfiata naalakkersuisoqarfimmi suliassa qarfiusumi suliap pineqartup allagaateqarfiani inissiiffiusumi allakkap akuersissutaasup tiguneqarnera uppernarsaatitalissavaa.

Naalakkersuisunut apeqqutigisatit

§ 31. Inatsisartut Suleriaasiat malillugu Inatsisartunut ilaasortaq § 37 naapertorlugu apeqquteqaammik taaneqartartukku pisortat oqartussaaffia pillugu paasissutissanik piniarsinnaavoq.

Imm. 2. Apeqquteqaatigineqartut Inatsisartut Allattoqarfiata Naalakkersuisut Siulittaasuata Allattoqarfianut nassiutissavai, tamatuma kingorna naalakkersuisoqarfimmu attuumassuteqartumut akissassanngorlugu apeqqut ingerlateqqissavaa, akissutigineqartup ilusilersorneranut naalakkersuisoqarfiit sorliit tusarneqassanersut paasissutissartalerlugu.

Imm. 3. Inatsisartunut ilaasortamit apeqquteqaat saqqummiunneqartumut akissutigineqartoq § 37 naapertorlugu apeqquteqaammu akissutigineqartoq nalinginnaasumik allakkatut ilusilerneqassaaq. Allakkat Naalakkersuisumit suliassa qarfimmu akissusaasumit atsiorneqassappu Inatsisartullu Allattoqarfiat aqutugalugu apeqquteqaateqartumut nassiunneqarlutik.

Imm. 4. § 37 naapertorlugu apeqqutinut akissuteqaatit sapinngisamik ullut suliffiusut qulit iluanni pisassaaq. Piffissaliussaq tamanna eqqortinneqarsinnaanngippat, Naalakkersuisumit suliassa qarfimmu akissusaasumit tunngavilersuutitalimmik, soq piffissaliussaq eqqortinneqannginnersoq, qaqugulu akissuteqaat naatsorsuutigineqarsinnaanersooq apeqquteqartoq allakkatigut nalunaarfigineqassaaq, nuutinneralu Inatsisartut Allattoqarfiannut.

Inatsisartuni ataatsimiititalianut kiisalu ataatsimiititalianik isumasioqateqartarnermi suliat

§ 32. Suliassat Inatsisartuni ataatsimiititalianukartut, matumani ilanngullugit suliat allat aningaasaliissuteqarnermut suliat eqqaassanngikkaanni Aningaasaqarnermut Akileraartarnermullu Ataatsimiititaliamukartut, Naalakkersuisumut suliassa qarfimmu akissusaasumit pineqartumit ataatsimiititaliamu nassiunneqassappu.

Inatsisartut inatsisaannik atortussanngortitsisarneq

§ 33. Inatsisartut inatsisai atuutilersinniarlugit, Naalakkersuisut Siulittaasuannit atortussanngortinneqassapput.

Imm. 2. Ataatsimiinnerup naammassinerata kingorna Inatsisartut inatsisaannik akuersissutigineqartunik tamanik pappiaranngorlugit elektroniskkinngorlugillu Inatsisartut Allattoqarfiannit Inatsiseqarnermut immikkoortorta qarfik tigusaqassaaq. Tamanna pisinnagu allannguutissatut siunnersuutit tulluarsarlugit ilanngunnissai Inatsisartut akuersissutigisimasaat Inatsisartut Allattoqarfiata isumagissavaa. Aningaasanulli inatsisit ilassutitullu aningaasaliinissamut inatsit Aningaasaqarnermut Naalakkersuisoqarfimmiit pissarsiarineqartassapput, Inatsisartut akuersissutigisaannik siunnersuutini allannguutinik suliaqartartussamit.

Imm. 3. Inatsiseqarnermut Immikkoortorta qarfiup inatsisit akuerineqartut atortussanngortitassat Naalakkersuisut Siulittaasuannut saqqummiutissavai. Atortussanngortitsinerup kingorna Inatsisartut Naalakkersuisullu pillugit Inatsisartut inatsisaat aamma Inatsiseqarnermut immikkoortorta qarfimmi inatsisinut periutsinut najoqqutassat naapertorlugit nalunaarutiginninnissaq Inatsiseqarnermut immikkoortorta qarfiup isumagissavaa, takuuk § 34.

Kapitali 9

Namminersorlutik Oqartussani malittarisassanik suliaqarnermut najoqqutassat

§ 34. Naalakkersuisut Siulittaasuata Naalakkersuisoqarfiata Namminersorlutik Oqartussani malittarisassanik suliarinnittarnerni nalinginnaasumik najoqqutassanik aalajangersassaaq. Inatsisartut Inatsisissaatut siunnersuutinik nalunaarutinillu suliarinnittarnermi najoqqutassat tamakku malinneqassapput.

Imm. 2. Naalakkersuisut Siulittaasuata Naalakkersuisoqarfia nalunaarutit suliarineqartarnerannut najoqqutassanik aalajangersaasinnaavoq, kingornatigut allannguutinik Inatsisartut inatsisaannut ilanngussilluni, taamatut Namminersorlutik Oqartussat inatsisit pillugit nittartagaanni Namminersorlutik Oqartussat malittarisassaat saqqummiussat nutaanik ilallugit ilanngunneqarsinnaapput.

Kapitali 10

Atuutilersitsineq

§ 35. Nalunaarut una ulloq 13. juuli 2022-imi atuutilerpoq.

Stk. 2. Peqatigitillugu Naalakkersuisut suleriaasiat pillugu Namminersorlutik Oqartussat nalunaarutaat nr. 18, 9, november 2017-imeersoq atorunnaarsinneqarpoq

Namminersorlutik Oqartussat, ulloq 12. juuli 2022

Múte Bourup Egede
Naalakkersuisut Siulittaasuat

/ Hans-Peder Barlach Christensen